

09. oktober

UKA 2017/22

**Siunnersuut : Nuummi killiligaanngitsumik eqqartuussanut isertitsisarfissap killigaanngitsumik eqqartuussanut pingarnertut inissiisarfissatut qulakkeerneqaqqullugu aalajangeeq-
qusineq.**

(Ilaqtariinnut, Naligiissitaanermut, Isumaginninnermut Inatsisinillu atuutsitsinermut Naalakkersuisoq)

Siumumiit siunnersuut ima oqaaseqaateqarfigiumavarput:

Nuummi killiligaanngitsumik eqqartuussanut isertitsisarfissap killiligaanngitsumik eqqartuussanut pingarnertut inissiisarfittut atugassanngortinneqarnissa pisusissamisoortutut Siumumiit isigaarput, ukiorpanngortunimi sakkortuumik pinerluuteqarsimasut Danmarkimut inissiinnarneqartarnerat pisusissamisuunngitsutut eqqartortarparput, pissutsillu tamakku aaqqiivigineqarnissaat anguniartuarlugu.

Naalakkersuisunit qulakkeerneqaqquneqarpoq eqqartuussat killiligaanngitsumik pineqaatissinneqarsimasut Danmarkimi matoqqasumi isertitsivimmiiitinneqartut nunatsinnut nuutsinneqartinnatik nuutsinneqarnissaminnik kissaateqarlutillu akuersismanissaat, tamanna Siumumiit ilaleratsigu oqaatigissavarput.

Taamaattoq, piumasaqaat tapersorsornaraluartoq Siumup tungaaniit paaserusupparput killiligaanngitsumik eqqartuussap nunatsinnut angerlarumalluni aalajangersimanerigaluani pillugu ugguarsinnaatitaassanersoq? Taama apeqquteqarnitsinnut tunngavigaarput ukiorpassuarni killiligaanngitsumik isertitsivimmiiittoqarmat Herstedvesterimi Danmarkimilu pissutsinut sungiussisimasunik, ilimagineqartariaqarmallu nunatsinni pissutsinut atukkatsinnut sungiussiniapiloonissaat.

Taamatut oqaaseqarluta siunnersuut aappassaaneerneqartinnani Inatsisartut Inatsisinut Ataatsimii-titaliaanut sukumiisumik suliarineqarnissa Siumumiit inassutigaarput

Pitsi Høegh

Siumut